



**TEROR
LI SER
BINEMAYÊ
NASNAMEYÊ
ÇI
DIGEHÎNE?!**

*Bişar Kîkî **

Mêjû xwe li Îraqê dubare dîke belê, ji bo hindê ku em mifayî jê werbigirin û nekevin di çewtiyên berê de. Duristkirina Îraqê ji layê Birîtaniyayê ve ji bo petrolê bû, rayê îraqiyan ne hatibû wergirtin û hizr bo vê pêkhatinê ne hatibû kirin. Padişahê hanîn û kirin serê desthelatê û ew bû ku bi şeweyek nesiroştî zû ji nav çû. Dîroka Îraqê ya pîr nexweşî û nearamiya siyasî, zîncîra kudetayên eskerî heya şerê Emerîka dijî terorê li ber çav ne hatibû girtin. Çunkî di bazîneyê berjewendiyên zilhêzên cîhanê de bû zêdebarî faktorê herêmî belê faktorê navxweyî jî nahê jibîrkirin ku pîr-raniya dîroknas û siyasîmedaran egerên lawaziyê bo vî hokarî dizivîrin.

Verêjên cîhangêriyê, sîstemê nû yê cîhanê û şerê dijî terorê, kêşeyên neteweyên bindest berçav kirin û gelek kêşe hatin çareserkirin û gelekên din jî ber bi çareseriyê ne û ji wan jî bêguman kêşeya Kurdî ye. Ji bo nehêlana rijêmê Seddamî, berjewendî berbelav bûn. Belê, siroştê mîlmilanê di nav pêkhatinên Îraqê de, ev welat e ber bi Îraqê Federal birin. Egera, ev Şî'eyên îro bi rijdî daxwaza federaliyê dîkin, herçende li destpêkê ne li gel bûn. Û Sîneyên îro jî danpêdanek şermînan e bi federaliya Kurdistanê dîkin, nîzanin çî nav lê bikin û ji peyva (îtîhadî) jî tezîng leşê wan digire.

Mîlmilanêya siyasî li Îraqê mîlmilanêyek dîrokî ye, mîna agirê di bin kadûnê ve û hêdî hêdî ba lê dide û pelên wî sor dibin (zîncîra



trumbêlên T.N.T kirî, kujtin û teror kirin.) Lê, nasnameya terorê li Îraqê temam cuda ye û diçe ji dervey nasnameya dînî, şaristanî (milmilanêya şaristaniyan.) Xelk xelkekê dikuje, bi wekalet û nizane jî kî ne û qurban jî hêbetî ne, çunke bêhtiriya wan ne siyasî ne, belê, bi hukmê jî û ezmûna xwe bûne faktorekê giring yê siyasetê. Di vê hevkeşeyê de, Kurd ketine beramber terorkirinê li ser nasnameyê, di demekê de ku Kurd li nasnameyek nîvdewletî digerin li çerxê lêgeryan li pey nasnameyê.

Li Îraqê, Kurd di şerê dijî terorê de, şîrîkê êkê ye bo Emrîka û cîhana azad. Dîsan Kurd navbijîvanê Şî'e û Sinneyan e. Di vê hevkeşeyê de hindî navmaliya Kurdî bi hêz û xurt be hind ev role mezintir û kargêrtit dibe. Kurdan divê projeyekê stratîjî yê berhevkirî hebe ji bo raghandina dewleta Kurdî, çinku merc nîne Kurd li çarçûveyê Îraqê de bimînin, berdewamiyê bi vî rolî bidin û acêndeyên armancên Kurdan ji yên Şî'e û Sinneyan temam cuda ne. Em qet nabî biramezinên wan. Divê sînorek bo kujtina Kurdan li ser nasnameyê bihê dahînan nexasime li Mûsilê û dikare bibe kartek mezin di destê kurdan de.